

সিডনীতে শুমিতার সঙ্গীত-সন্ধ্যা: ‘সুরের বন্যা নাচে’

খন্দকার জাহিদ হাসান

এ-বছর সেপ্টেম্বর মাসের মাঝামাঝি সময়ে বর্তমান বাংলা গানের জগতের উজ্জ্বলতম তারকা শুমিতা ব্যানার্জী সদলবলে অস্ট্রেলিয়াতে গান গাইতে আসছেন। পাঁচ সদস্যবিশিষ্ট এই টীমে থাকছেন শিল্পী নিজে এবং আরও চারজন বাদ্যযন্ত্রী। বর্তমানে এই কণ্ঠশিল্পীর জনপ্রিয়তা আকাশচুম্বী এবং দুই বাংলার শ্রোতাদের মাঝে তাঁর গান ব্যাপকভাবে সমাদৃত। এবারের ২০১৫-এর সাংস্কৃতিক সফরকালে তিনি সিডনীতে ১২ সেপ্টেম্বর (শনিবার) ক্যাম্পসির Orion Function Centre-এ অনুষ্ঠিতব্য “সুরের বন্যা নাচে” শীর্ষক এক মনোজ্ঞ সাংস্কৃতিক সন্ধ্যায় গান পরিবেশন করবেন।

সুধাকণ্ঠী শুমিতা ব্যানার্জী এক অপার্থিব কণ্ঠের অধিকারী এবং তাঁর কণ্ঠমাধুর্যে আজ ভারতীয় উপমহাদেশ তথা বাংলাদেশের আকাশ-বাতাস অনুরণিত। শুমিতার গীতিময় কণ্ঠ স্বগীয়। তাঁর গায়কী অসাধারণ ও অনন্য। বহুল-অনুশীলিত ও রাগচর্চিত সুললিত কণ্ঠের অধিকারিনী শুমিতা ব্যানার্জী আরোহী-অবরোহীর স্বপ্নলি সিঁড়ি বেয়ে অনায়াসেই ওঠানামা করতে পারেন, আর অবলীলায় গেয়ে যান সব ধরনের গান। তাঁর সুরেলা কণ্ঠ যে-কোনো ভাল গানই হয়ে ওঠে তীষণ শ্রুতিমধুর। শুমিতার গলায় এক দুর্লভ ধরনের বহুমুখিতা বা বিচিত্রমুখিতা রয়েছে, যে কারণে এই শিল্পী যে-কোনো ধরনের গানই অত্যন্ত নৈপুণ্যের সাথে গাইতে সক্ষম। তাঁর গাওয়া রবীন্দ্র-সংগীত গানের ভুবনে এক ভিন্নমাত্রা যোগ করেছে। এ ছাড়া ভক্তিমূলক, রাগপ্রস্নী এবং নগরভিত্তিক আধুনিক জীবনবোধসম্পন্ন ও নান্দনিক ধাঁচের গান পরিবেশনেও তাঁর জুড়ি মেলা ভার। আর তার প্রমাণ শুমিতা তাঁর অনেক গানের মাধ্যমেই দিয়েছেন।

আগামী ১২ সেপ্টেম্বর ২০১৫ (শনিবার) সিডনীতে শুমিতা ব্যানার্জীর যে সঙ্গীত সন্ধ্যা অনুষ্ঠিত হতে যাচ্ছে, তার আয়োজক “সুর ইভেন্টস”, যার প্রতিষ্ঠাতা সুমন সাহা। কলেজ জীবনে তিনি নটর ড্যাম কলেজের ৫০তম প্রতিষ্ঠা বার্ষিকী উপলক্ষে অনুষ্ঠিত সুবর্ণ জয়ন্তীর আয়োজক কমিটির টিম সদস্য হিসাবে নিযুক্ত হন, যা ছিল তাঁর জন্য একটি দুর্লভ সম্মানের বিষয়। গত ২০১২ সালে সিডনীস্থ ইউনিভার্সিটি অব নিউ সাউথ ওয়েলস প্রাপ্তন তিন দিনব্যাপী অনুষ্ঠিত সংগীত উপসবের প্রধান আয়োজকদের মধ্যে সুমন সাহা ছিলেন অন্যতম, যে অনুষ্ঠানে ভূপিন্দর সিং, মিতালী সিং, উষা উত্থুপ, বুনা লামলা, শ্রীকান্ত আচারিয়া, রেজোয়ানা চৌধুরী বন্যা, রুপম ইসলাম এবং অনেক স্থানীয় শিল্পী অংশ গ্রহণ করেন। অতি সম্প্রতি ২৫ এপ্রিল ২০১৫ লিভারপুলের হুইটলাম সেন্টারে “সুর ইভেন্টস”-এর উদ্যোগে জনপ্রিয় কণ্ঠশিল্পী উষা উত্থুপের একক সঙ্গীত সন্ধ্যা অনুষ্ঠিত হয় এবং প্রায় ১৪০০ দর্শক-শ্রোতার সমাগমে অনুষ্ঠিত সেই বিশাল কনসার্ট “সুর ইভেন্টস”-এর জন্য এক বিরাট সাফল্য ও সুনাম বয়ে নিয়ে আসে।

এ-বছর কণ্ঠশিল্পী শুমিতা ব্যানার্জীর অস্ট্রেলিয়ায় আগমনের সাথে একটি বিশেষ তাৎপর্যও জড়িয়ে রয়েছে। তিনি সম্প্রতি আমার লিখা ও সুরারোপ করা ১০টি গান গেয়েছেন। আমি শুধু এই গানগুলির গীতিকার ও সুরকারই নই, সার্বিক বাদ্য রচয়িতা ও সামগ্রিক বাদক হিসেবেও আমার ভূমিকা রেখেছি। ১০টি গানের এই অ্যালবামটির নাম: “সুরের বন্যা নাচে” এবং বর্তমানে এটি মুক্তি লাভের জন্য অপেক্ষারত। এই গানের অ্যালবামে শুমিতা ব্যানার্জী আটটি একক ও দুটি দ্বৈত সঙ্গীতে কণ্ঠ দিয়েছেন।

১২ সেপ্টেম্বর (শনিবার) Orion Function Centre-এ অনুষ্ঠিতব্য শুমিতার সাংস্কৃতিক সন্ধ্যার নামকরণ ঐ অ্যালবাম থেকেই করা হয়েছে। এটি যে কারণে একটি ব্যতিক্রমী অনর্গল হিসেবে বিবেচিত হতে যাচ্ছে, তা হল: উক্ত কনসার্টে স্বয়ং শুমিতা ব্যানার্জী তাঁর জনপ্রিয় ও উৎকৃষ্ট মানের সব গান পরিবেশন ছাড়াও এই অ্যালবামটির রিলিজ আনুষ্ঠানিকভাবে ঘোষণা করবেন। অ্যালবামটির আনুষ্ঠানিক রিলিজের এই ব্যাপারটি উক্ত কনসার্টে একটি ভিন্ন মাত্রা যোগ করবে। কারণ যদিও আমি অস্ট্রেলিয়াতে এই গানগুলির কথা, সুর ও যন্ত্রসঙ্গীত রচনা করেছি- কিন্তু শুমিতা আবার তাঁর কণ্ঠ দিয়েছেন কোলকাতাতে বসেই। “সুরের বন্যা নাচে” শিরোনামের এই মিউজিক অ্যালবামটির দুটি ভাষণ থাকবে: অডিও ও ভিডিও। এই গানগুলিতে আমি শায়ত বাংলার চিরন্তন সুরের চির-অম্লান আর মর্মস্পর্শী আবেদন সন্নিবেশ করার চেষ্টা করেছি। গানের ভিডিওগুলি শিল্পী এবং বাংলাদেশ ও অস্ট্রেলিয়ার একঝাঁক উজ্জ্বল ভিডিও তারকার সমন্বয়ে নির্মিত। সিডনী, কোলকাতা ও ঢাকা টীমের এক সমন্বিত প্রচেষ্টার ফসল এই গানের অ্যালবাম: “সুরের বন্যা নাচে”। এতে থাকছে বৈচিত্র্যময় গানসমূহের এক অভূতপূর্ব সমাবেশ: পাঁচটি অবিনশ্বর প্রেমের গান, দুটি মনোমুগ্ধকর নাচের গান, একটি প্রার্থনা সঙ্গীত, একটি বৈজ্ঞানিক কল্পকাহিনীভিত্তিক সঙ্গীত এবং আদম-হাওয়ার অমর উপাখ্যানভিত্তিক একটি সঙ্গীত। এই অ্যালবামের গানগুলি সকল বয়সের এবং সকল শ্রেণীর দর্শক-শ্রোতাদেরই ভাল লাগবে বলে আমি আশা করছি। উপস্থিত দর্শক শ্রোতাবৃন্দ উক্ত ভেন্যুতে “সুরের বন্যা নাচে” অ্যালবামের কপি ক্রয়ও করতে পারবেন।

সিডনী তথা অস্ট্রেলিয়ার সকল সম্মানিত বাংলাভাষী বাঙ্গালী দর্শক-শ্রোতার কাছে অনুষ্ঠান আয়োজকদের একান্ত অনুরোধ: ১২ সেপ্টেম্বর (শনিবার) ক্যাম্পসির Orion Function Centre-এ অনুষ্ঠিতব্য শুমিতার সাংস্কৃতিক সন্ধ্যার উপরোক্ত বিশেষত্বের কথা বিবেচনা করে তাঁরা যেন সব ধরনের সহযোগিতা ও সমর্থন প্রদানের মাধ্যমে উক্ত অনুষ্ঠানকে সাফল্যমণ্ডিত করে তোলেন।